

尚書證義

尙書證義

洛誥

周公拜手稽首曰。朕復子明辟。

周禮太僕掌諸侯之復逆。鄭司農云。復謂奏事也。此周公往營洛邑。旣得卜而遣使復命成王之辭。

王如弗敢及天。基命定命。予乃胤保大相東土。其基作民明辟。

如弗敢及。周頌云。成王不敢康也。基命。太王肇基之命也。定命。武王大定之命也。大相。召誥所云達觀也。釋詁。基。謀也。周語。后稷始基。靖民。章昭注。基。謀也。

予惟乙卯。朝至于洛師。我卜河朔黎水。我乃卜澗水東澠水西。惟洛食。我又卜澠水東亦惟洛食。佯來以圖及獻卜。

白虎通。天子所居。周曰京師。公羊傳。桓九年。京者何。大也。師者何。衆也。天子之居。必以衆大之辭言之。今洛作大邑。卽稱洛師也。河朔黎水。河北黎水。交流之內。司馬彪續漢郡國志。魏郡有黎陽縣。是也。言卜不言食者。不吉也。孔傳。澠澠之閒。南近洛。今河南城也。卜必先墨畫龜。然後灼之。兆順食墨。澠水東。今洛陽也。將定下都。遷殷頑民。故并卜之。郡國志。洛陽周時號成周。河南周公時所城。洛邑。春秋謂之王城也。其後平王東遷。王城至敬王。又自王城遷都。成周。春秋昭三十二年。城成周是也。鄭注。召公所卜處名王城。蓋召公以戊申卜王城之宅。周公以乙卯至。再卜成周。史記周本紀云。周公復卜是也。召公先卜。而周公皆云我卜者。公羊隱七年。我入

酈傳曰其言我何言我者非獨我也釋詁作使也言予以三月十二日乙卯朝至于洛師我先卜河朔黎水之密邇商邑者其兆不吉繼卜澗水東澠水西之間作大邑于洛汭其兆順食墨我又卜澠水東再作下都于洛陽亦兆順食墨今使者來以此兩地之圖及獻卜兆

王拜手稽首曰公不敢不敬天之休來相宅其作周匹休公既定宅佯來來視予卜休恆吉我二人

共貞公其以予萬億年敬天之休拜手稽首誨言

釋詁休美也言相洛邑之宅爲周京之配美小雅視民不佻箋云視古示字曲禮幼子常視無誑鄭注視今之示字恆卦恆久也恆吉左傳宣三年王孫滿曰成王定鼎於郊鄂卜世三十卜年七百也釋名貞定也此王因使者答公之辭

周公曰王肇稱殷禮祀于新邑咸秩無文

釋言稱舉也。稱稱同。公羊傳僖三十一年天子秩而祭之何休注秩者隨其大小尊卑高下所宜無文殷禮尚質也。言王始舉殷禮禮祀于新邑皆秩次之從殷家質。

予齊百工倅從王于周。予惟曰庶有事。今王卽命曰記功宗以功作元祀。惟命曰汝受命篤弼不視功載乃汝其悉自教工。

玉篇卽就也。宗古崇省。當從蔡傳屬上讀以功屬下讀以功作元祀。祭法云以勞定國則祀之也。弼當從蔡傳屬上讀。視讀曰示。詳上文功載記功之載書猶周禮司盟有盟載也。說文悉詳盡也。釋詁遵自也。是自猶遵也。言子整齊洛邑之百官使從王于周。予惟曰王庶幾有事于洛。今王乃就命曰記功之崇者以其功制在祀典。且命曰汝受命篤勉以弼成不視記功之載書。汝其詳盡遵此教百工。蓋周公之意欲王往洛撫事而成。王以篤弼就命之周公故述其使命。

而下文告王以往洛也。

孺子其朋。孺子其朋。其往無若火始燄燄。厥攸灼
敝弗其絕。厥若彝及撫事如予。惟以在周工往新
邑。倅嚮卽有僚。明作有功。惇大成裕。汝永有辭。

養新錄云。今人以孺子爲童穉之通稱。蓋本于
孟子。考諸經傳。則天子以下。嫡長爲後者。乃得
稱孺子。金縢洛誥。立政之孺子。謂周成王也。晉
語里克先友杜原款。稱申生爲孺子。謂周成王也。稱
奚齊爲孺子。晉獻公之喪。秦穆公使人弔公子
重耳。稱爲孺子。而舅犯亦稱之。是時秦欲納之
爲君也。孺子黃之喪。哀公欲設撥。亦以世子待
之也。齊侯荼已立爲君。而陳乞鮑牧稱爲孺子。
其死也。諡之曰安孺子。則孺子非卑幼之稱矣。
樂盈爲晉卿。而胥午稱爲樂孺子。左傳稱孟莊
子曰。孺子速武伯曰。孺子洩莊子之子秩。雖不
得立。猶稱孺子。是孺子貴于庶子也。齊子尾之

臣稱子良曰孺子長矣韓宣子稱鄭子齋曰孺子善哉皆世卿而嗣立者也內則異爲孺子室于宮中母某敢用時日祇見孺子亦貴者之稱惟檀弓載有子與子游立見孺子慕者弁人有其母死而孺子泣者此爲童子通稱與孟子同也玉篇朋羣也荀子王制篇君者善羣也說文燄火行微燄燄也漢書梅福傳作無若火始庸文異義同玉篇灼明也釋詁順敘也是敘猶順也絕如左傳晉侯使呂相絕秦之絕釋詁若善也撫事撫綏四方之見士于周者若康誥錯簡云咸勤是也如子如公之代王誥治也鄭語史伯對桓公曰黎爲高辛氏火正以淳耀惇大周語布施優裕是惇大成裕卽上文所云功宗也言王以篤弼命子而孺子其亦善羣庶邦其親往洛邑以撫綏無若火燄之使人難邇其所明白承順者弗可以絕其善以典及撫綏五服之伯則如予之代王誥治今不使百工從王于功其功有惇大成裕者汝長有褒嘉之辭

公曰已。汝惟沖子。惟終。

記言復冠以公曰者言非一日也。釋詁惟謀也。謀終下文所云成績也。

汝其敬識百辟享。亦識其有不享。享多儀。儀不及物。惟曰不享。惟不役志于享。凡民惟曰不享。惟事其爽侮。

時五服皆至故又誥王以敬識其享不享多如漢書袁盎傳皆多盎之多享多儀享以儀爲多也。儀不及物謂威儀之簡不及其庭實之備如此卽是不享以未能役其心于享也。釋言爽差也。說文侮傷也。

乃惟孺子頒朕不暇。聽朕教。汝于棐民彝。汝乃是不獲。乃時惟不永哉。篤敍乃正。父罔不若予。不敢

廢乃命。汝往敬哉。茲予其明農哉。彼裕我民。無遠用戾。

頤鄭孔竝解爲分說文引周書曰乃惟孺子攷云分也文異訓合不暇若史記魯世家云一飯三吐哺一沐三握髮也釋文無養字莫剛反鄭注勉也馬王同養新錄云說文無養字經典亦止一見更無他證考釋詁孟勉也古讀孟如芒戰國策有芒卯淮南子作孟卯是養乃孟之轉聲也周禮小宰六敘鄭注敘秩次也正父卽侯甸男邦之伯逸周書成開解云正父登過是也甲子用書同受命故篤敘釋言若順也罔不若屬上爲句廣雅農勉也詳洪範釋詁裕安也戾至也言乃惟孺子分朕營洛之勞從朕敎汝于輔民之常汝乃于此不勉則殷民之應命是惟不能久哉至於論功篤敘凡侯甸男邦之伯班罔不順子亦奉王之命不敢廢汝往其敬之哉茲子乃開誠相勉則彼益修職貢有以綏安我民而庶邦之在遠方者皆用是至矣

王若曰。公明保予。沖子。公稱不顯德。以予小子揚
文武烈。奉答天命。和恆四方。民居師。惇宗將禮。稱
秩元祀。咸秩無文。

釋詁。揚。續也。周禮。司弓矢。恆。矢。陣。矢。用。諸。散。射。
鄭注。恆。矢。安。居。之。矢。是。和。恆。猶。和。安。也。師。洛。師。
也。宗。古。崇。省。釋詁。將。大。也。

惟公德明光于上下。勤施于四方。旁作穆穆。迓衡。
不迷。文武勤教。予沖子夙夜志祀。

說文。旁。溥也。釋詁。穆。穆。美也。釋文。迓。馬。鄭。王。皆。
音。魚。遽。反。蓋。古。音。御。讀。爲。迓。亦。迓。讀。爲。御。大。雅。
以。御。于。家。邦。鄭。箋。御。治。也。漢。書。律。歷。志。衡。平。也。
旁。作。穆。穆。迓。衡。溥。作。休。美。之。治。平。也。以上二節。
王。答。周。公。輔。治。功。德。之。盛。予。惟。夙。夜。敬。祀。所。以。
不。卽。往。洛。之。意。也。

王曰。公功斐迪。篤罔不若時。

言公功輔導篤勉無不順時之宜也。詳讀經文。蓋王至新邑而贊美公功之辭。不書王至者。史臣記其言于前。記其事于末也。

王曰。公子小子其退。卽辟于周。命公後。

玉篇退去也。釋詁辟君也。卽辟謂卽政也。命公後。公羊傳文十三年曰。周公何以稱太廟于魯。封魯公以爲周公也。言于小子其去洛邑卽政于周。策命伯禽爲公之後。此下三節蓋成王至洛撫事之後。將歸鎬京。策命伯禽而留周公治洛也。

四方迪亂。未定于宗。禮亦未克。敕公功。迪將其後。監我士師工。誕保文武受民。亂爲四輔。

釋詁迪作也。亂治也。周禮大宗伯夏見曰。宗鄭注。宗尊也。欲其尊王。釋言敕撫也。小雅不遑將。

父毛傳將養也玉篇工官也獨舉士師官者刑尤重也文王世子虞夏商周有師保有疑丞設四輔漢書谷永傳四輔既備成王靡有過事師古注卽引書文以證亂爲四輔大戴禮保傅篇云周公立于前爲疑也言今四方和會雖作于治尙未定尊王之禮則亦未能撫順公之功故必作養其已後監我士師之官大保文武所受之民佐治兼四輔

王曰公定予往已公功肅將祇歡公無困哉我惟無斁其康事公弗替刑四方其世享

釋詁定止也已絕爲句與上文公曰已同祇古與多通復卦无祇悔九家易作多左傳襄二十九年祇見疏也服虔本作多廣雅歡樂也因倅也說文斁厭也釋言替廢也釋詁刑法也言公止治洛予往歸鎬又發歎言公之功嚴肅相將而人多歡樂公其無過于勞倅哉我惟無厭其安民之事公弗廢先王之法則四方其世世奉上矣

周公拜手稽首曰。王命予來承保乃文祖受命民。
越乃光烈考武王弘朕恭。

逸周書謚法解敬順事上曰恭宏朕恭謂以太
宰兼四輔也。

孺子來相宅其大惇典殷獻民亂爲四方新辟作
周恭先曰其自時中乂萬邦咸休惟王有成績。

釋詁惇厚也惇典厚禮之也逸周書作雒解俘
殷獻民孔晁注獻民士大夫也釋詁辟君也作
周恭先爲周恭命之率也此周公因四方之新
服而勉王以成績。

予旦以多子越御事篤前人成烈答其師作周孚
先考朕昭子刑乃單文祖德。

釋詁多衆也正義大夫稱子多子衆大夫也史
記周本紀武王曰我南望三塗北望嶽鄙顧瞻

有河粵詹維伊母遠天室營周居于維邑而後
去是洛邑武王克殷後所欲經營故云雒前
成烈也答讀如合諸侯之合古答與合通左傳
宣元年既合而來奔杜注合猶答也釋詁師衆
也合其衆召誥云命庶殷侯甸男邦伯也釋詁
孚信也作周孚先爲周示信之先聲大雅云萬
邦作孚是也釋詁考成也昭子昭考之子謂成
王也釋詁刑法也考朕昭子刑謂成昭子之法
武烈也單古殫省小雅俾爾單厚箋云單盡也
乃單文祖德謂盡文王之顯德也此周公明洛
邑之作新所以繼志述事

佯來毖殷乃命寧予以秬鬯二卣曰明禋拜手稽
首休享

毖如酒誥誥毖之毖使者來誥毖殷之多士將
再遷于成周書序云成周既成遷殷頑民周公
以王命告作多士是也乃命寧合下爲句釋詁
寧安也問公之安也釋草秬黑黍周禮鬯人掌

共拒鬯而飾之鄭注拒鬯不和鬱者釋器卣中尊也說文精意以享爲禮釋詁休美也曰明禮者倅述王命言享公也拜手稽首休享者公拜稽首受茲美享也此下四節周公紀受君命竝受君賜而授史官以載于策也

予不敢宿則禋于文王武王。

宿如論語不宿肉之宿不敢當王之享已卽以此拒鬯潔祀于文武

惠篤敍無有遘自疾萬年狀于乃德殷乃引考。

釋言惠順也惠篤敍卽上文所云篤敍乃正父罔不若也釋詁遘遇也如漢書蒯通傳漢王遇我厚之遇大雅旻天疾威毛傳疾猶急也說文狀飽也釋詁引長也考成也言王之治洛順以篤敍無有遇之以急切故萬年飽于王之德殷人乃長此平成此謂多方已遷之殷而下文則謂多士之再遷也

王伾殷乃承紱萬年。其永觀朕子懷德。

楚語倚相將奔走承紱是承紱猶承順也觀讀如左傳觀兵之觀釋言觀示也子如子庶民之子懷如懷諸侯之懷言王之慈殷使殷人乃承順萬年其示我以子庶民懷諸侯之德

戊辰王在新邑烝祭歲文王騂牛一武王騂牛一

王命作冊逸祝冊惟告周公其後主賓殺禋咸格

王入太室禋王命周公後作冊逸誥

戊辰劉歆三統歷以爲十二月戊辰晦蓋以召誥洛誥爲一年事就召誥三月丙午朏推之中置閏九月則戊辰適當十二月之晦周正建亥之月也釋天冬祭曰烝正義云鄭以烝祭上屬鄭注歲成王元年正月朔日也以朝享之後用作冊書告神以周公其宜立爲後者謂將封伯禽也是非時而特假祖廟故文武各特牛也三

統歷云成王元年正月己巳朔此命伯禽侯于魯之歲也賓侯甸男邦采衛也殺祭義云君牽牲穆答君卿大夫序從既入廟門麗于碑卿大夫袒而毛牛尚耳鸞刀以割是也釋詁格至也咸格五服之賓因王割特牲潔祀而皆至廟中序從也王注太室清廟中央所居是在四月令明堂聽政而太廟太室為中央廟明堂同居是在四堂之正中周禮匠人鄭注宗廟明堂同制則此太室自是文王清廟中央之室也祭統云君執圭瓚祫尸周禮司尊彝四時皆用裸鄭注裸謂以圭瓚酌鬱鬯始獻尸也祭統云古者明君爵有德而祿有功必賜爵祿于太廟示不敢專也故祭之日一獻君降立於阼階之南南鄉所命北面史由君右執策命之再拜稽首受書以歸而舍奠于其廟此爵賞之施也鄭注一獻一醑尸也裸而王始命者一獻醑尸禮畢之後乃命伯禽也周禮大宗伯王命諸侯則饋鄭注王將出命假祖廟依前南鄉饋者進當命者延使登內史由王右以策命之降再拜稽首登受策諸侯爵其臣則于祭焉賈疏云諸侯命臣因祭宗廟命之天

子命臣不在祭時當特爲祭命之祭統正義竝同是戊辰烝祭乃時祭歲用騂牛乃特祭以命伯禽也上云作冊告神之冊此言作冊誥伯禽之冊于神謂之祝于人謂之誥左傳定四年祝鮒曰命以伯禽卽史逸所讀冊也此史臣記王在洛之事而繫之于篇末也

在十有二月惟周公誕保文武受命惟七年

釋詁在終也史臣復紀自武王既喪周公誅武庚伐奄遷頑民營洛邑誕保文武受命凡七年而致政其明年則成王卽政周公留洛伯禽受封而侯于魯漢儒皆以卽政爲成王元年其前此周公攝政之年鄭注顧命以爲年端此不知其何所據也

尙書證義

平湖周用錫述

多士

惟三月周公初于新邑洛用告商王士。

序云成周既成遷殷頑民周公以王命告作多士詳讀經文東征之後周公已遷殷之頑民于洛今成周既成再遷其餘民而用告詳下文

王若曰爾殷遺多士弗弔旻天大降喪于殷我有周佑命將天明威致王罰勅殷命終于帝

旻天屬上爲句詳大誥廣雅佑助也噬嗑象曰先王以明罰勅法鄭注勅猶理也一云整也終如坤卦代有終之終謂武成大告也周公述王命曰爾殷遺多士惟不爲弔恤之旻天大降喪

亂于殷我有周助天之命奉天之明威致王者之大罰整理殷命以告終事于上帝

肆爾多士非我小國敢弋殷命惟天不畀允罔固亂弼我我其敢求位。

孔傳弋取也祭統畀之爲言與也月令國多固疾鄭注有久疾是固亂猶久亂也言故爾多士非我小國敢取殷之大命惟天心不與爾殷而天運信無久亂乃弼我以興我其敢于求天位乎。

惟帝不畀惟我下民秉爲惟天明畏。

釋詁秉拱訓同是秉猶拱也爲當如集韻讀于僞切論語夫子爲衛君乎鄭注爲猶助也言天心旣不與殷民心乃拱向助周天亦顯之以威

我聞曰上帝引逸有夏不適逸則惟帝降格嚮于

乃命爾先祖成湯革夏俊民甸四方。

俊民立政云三有俊也小雅維禹甸之毛傳甸治也甸四方立政云用丕式見德也。

自成湯至于帝乙罔不明德恤祀。

恤古與溢通周頌假以溢我左傳引作何以恤我釋詁溢慎也是恤祀猶召誥云毖祀也。

亦惟天不建保乂有殷殷王亦罔敢失帝罔不配天其澤。

言亦惟天大建殷之國保乂有殷殷繼世之王亦罔敢失帝命罔不配天之澤。

在今後嗣王誕罔顯于天矧曰其有聽念于先王勤家誕淫厥泆罔顧于天顯民祗惟時上帝不保降若茲大喪。

倉頡篇洪、蕩也、樂也、罔顧于天、當從蔡傳合下
爲句、小雅壹者之來、俾我祗也、毛傳祗、病也、與
疵通、降大喪、微子云天毒降災荒殷邦也

惟天不弔、不明厥德。

言天已不與殷命、受終不悟其德。

凡四方小大邦、喪罔非有辭于罰。

喪如大雅殷之未喪師之喪、絕爲句、罔非有辭
于罰、史記云、八百諸侯皆曰、受可伐矣、言四方
小大之邦、盡失其心、同辭于致天之罰、此上七
節、言殷之所以興與所以亡。

王若曰、爾殷多士、今惟我周王、丕靈承帝事、有命

曰、割殷告勅于帝。

廣雅靈、善也、說文承、奉也、割、剝也、豳風八月剝
棗、毛傳剝、擊也、是割猶擊也、告勅于帝王制云

天子將出征類乎上帝也言惟我周王善奉天之事天命我以擊殷乃告勅殷命于上帝此言周之伐殷奉天命

惟我事不貳適惟爾王家我適

廣雅貳二也適當讀如敵雜記適者曰鄭注適讀匹敵之敵荀子天子四海之內無客禮告無適也楊倞注適讀爲敵史記李斯傳羣臣百官皆畔不適徐廣音征敵之敵我敵謂武庚叛也言惟我歸馬放牛不再爾敵而爾王家則反與我爲敵

予其曰惟爾洪無度我不爾動自乃邑

說文度法制也言爾大不法我仍封武庚于殷未嘗以爾震動而叛亂起爾邑

予亦念天卽于殷大戾肆不正

玉篇卽就也釋詁戾罪也周禮大司馬注正之者殺之也詳湯誓言予亦念武庚之蠢是天就

于殷大罪故不忍爾殺此上三節言其孽由自作而罪則從輕

王曰猷告爾多士予惟時其遷居西爾非我一人奉德不康寧時惟天命無違朕不敢有後無我怨妹邦在成周之東故云遷西

惟爾知惟殷先人有冊有典殷革夏命

言殷之先有典冊可考革夏之命亦嘗遷其民也

今爾又曰夏迪簡在王庭有服在百僚予一人惟聽用德肆予敢求爾于天邑商予惟率肆矜爾非予罪時惟天命

廣雅迪蹈也服任也學記發慮憲求善良鄭注求謂招徠之也釋詁率從也左傳襄九年肆眚

杜注肆緩也言今爾有辭曰夏之高蹈者商先
王有選在王庭爲正伯有任在百僚爲師旅但
予一人惟從簡用有德今予招徠爾于天邑商
予已從緩刑矜全爾此非予之罪是惟天命也
王曰多士昔朕來自奄予大降爾四國民命我乃
明致天罰移爾遐逝比事臣我宗多遜

奄說文邑部作鄩云周公所誅鄩國在魯括地
志兖州曲阜縣奄里卽奄國之地廣雅降滅也
降民命猶漢書刑法志云滅死刑也幽風周公
東征四國是皇毛傳四國管蔡商奄也說文遜
順也今經典相承通作遜多遜謂甲子用書命
庶殷丕作也詳讀此則知多方在多士之前當
次大誥之後其曰昔朕來自奄卽多方云惟五
月丁亥王來自奄也其曰我大降爾四國民命
卽多方云我惟大降爾四國民命也其曰我乃
明致天罰移爾遐逝卽多方云我則致天之罰
離逖爾土也蓋踐奄之後成王降殷士之死罪
而遷之于洛故多方云爾乃自時洛邑尙永力

敗爾田。卽逸周書作雒解云。俘殷獻民。遷于九
畢也。其後召公以庶殷攻位。于洛。兩周公朝用
書。命庶殷。卽此多方。遷洛之民。至成周。旣成。周
公又作多士。再遷殷之餘民。故下文云。予惟時
命。有申。云繼爾居也。經文甚明。書序錯其篇第。
遂致千古存疑。

王曰。告爾殷多士。今予惟不爾殺。予惟時命有申。
今朕作大邑于茲洛。予惟四方罔攸賓。亦惟爾多
士。攸服。奔走臣我。多遜。

釋詁。申。重也。謂踐奄後。作多方。命遷于洛。今申
命。遷成周也。賓。周禮大行人云。以賓禮親邦國
也。

爾乃尙有爾土。爾乃尙寧幹止。

釋言。土。田也。說文。幹。築牆耑木也。言今之遷西
亦仍有土。田居室。

爾克敬。天惟畀矜爾。爾不克敬。爾不啻不有爾土。
予亦致天之罰于爾躬。

言爾違天命不遷則不畀矜而致罰

今爾惟時宅爾邑。繼爾居。爾厥有幹有年于茲洛。
爾小子乃興從爾遷。

釋言宅居也。繼爾居謂踐奄後先有遷于洛者
今相繼以居也。

王曰。又曰。時予乃或言。爾攸居。

上曰字蓋衍。廣雅時善也。或有也。釋言攸所也。
言善子保有之言則爾得所居。

尚書證義

平湖周用錫述

無逸

周公曰。嗚呼。君子所其無逸。

三倉所處也。大傳作毋逸。史記作無佚。皆古通言。君子之居處。其無敢逸豫。

先知稼穡之艱難。乃逸。則知小人之依。

公羊傳宣八年。乃者何。緩辭也。乃逸者。先天天下之憂而憂。後天下之樂而樂也。依與依通。廣雅。依隱也。亦與衣通。白虎通。衣者。隱也。依與隱聲之轉。爾則知小人之依。周語所云。勤恤民隱也。周公七月之詩。召公公劉之詩。皆欲成王知小人之隱也。

相小人。厥父母勤勞稼穡。厥子乃不知稼穡之艱

難。乃逸乃諺。既誕。否則侮厥父母。曰。昔之人無聞知。

說文。該傳言也。誕。詞誕也。徐云。妄爲大言也。

周公曰。嗚呼。我聞曰。昔在殷王中宗。嚴恭寅畏。天命。自度治民。祇懼不敢荒寧。肆中宗之享國。七十有五年。

商頌序。烈祖祀中宗也。箋云。中宗。殷王太戊。湯之元孫也。有桑穀之異懼。而修德。殷道復興。故表顯之。號爲中宗。釋詁。遵。自也。是自猶遵也。自度。遵先王之法度也。治民。屬上讀。祇懼。屬下讀。

其在高宗時。舊勞于外。爰暨小人作。其卽位。乃或亮陰。二年不言。其惟不言。言乃雍。不敢荒寧。嘉靖

殷邦至于小大無時或怨肆高宗之享國五十有九年。

釋詁時是也中論引作是舊勞于外則時字當屬下讀鄭注舊猶久也時舊勞于外國語云昔武丁能聳其德至于神明以入于河自河徂亳是也作字屬上讀如盤庚作勞之作廣雅或有也小雅無不爾或承箋云或之言有也史記亦作乃有亮陰釋詁嘉善也靖治也漢書五行志云高宗致百年之壽劉向杜欽傳竝云高宗享百年之壽蓋高宗以四十二歲卽位也

其在祖甲不義惟王舊爲小人作其卽位爰知小人之依能保惠于庶民不敢侮鰥寡肆祖甲之享國三十有三年。

史記殷本紀武丁崩子祖庚立祖庚崩弟祖甲立是祖甲武丁子也義當讀如儀周禮肆師注

鄭司農云古者書儀但爲義說文儀度也周語儀之於民而度之於羣生又曰不度民神之義不儀生物之則不義惟王祖甲以祖庚傳世不圖及爲王也作字亦屬上讀

自時厥後立王生則逸生則逸不知稼穡之艱難不聞小人之勞惟耽樂之從自時厥後亦罔或克壽或十年或七八年或五六年或四三年

或四三年中論引作或三四年漢書杜欽傳引此釋之云言失欲之生害也

周公曰嗚呼厥亦惟我周太王王季克自抑畏

釋訓抑抑密也二王能自謙抑敬畏則無逸可知

文王卑服卽康功田功

康功孟子云教之樹畜也田功孟子云制其田里也

徽柔懿恭懷保小民惠鮮鰥寡。自朝至于日中晡
不遑暇食用咸和萬民。

說文惠仁也。周禮施其惠。鄭注。調衣食曰惠。釋
詁。鮮善也。說文。廐。日在西方時側也。咸。古誠省。
說文。誠。和也。

文王不敢盤于遊田。以庶邦惟正之供。文王受命
惟中身。厥享國五十年。

盤與般通。商書盤庚。國語作般庚。釋詁。般樂也。
鄭注。受命。受殷王嗣位之命。中身。謂中年。

周公曰。嗚呼。繼自今嗣王。則其無淫于觀于逸于
遊于田。以萬民惟正之供。

釋詁。則法也。鄭注。淫放恣也。觀如春秋隱公如
棠觀魚。莊公如齊觀社之觀。穀梁傳曰。常事曰

視非常曰觀

無皇曰。今日耽樂。乃非民攸訓。非天攸若。時人不則有愆。無若殷王受之迷亂。酗于酒德哉。

皇古遑省釋言遑暇也廣雅訓順也釋言若順也釋詁則法也

周公曰。嗚呼。我聞曰。古之人猶胥訓告。胥保惠。胥教誨。民無或胥譴張爲幻。

訓告卽文王世子太傅之審示也保惠卽太保之輔翼也教誨卽太師之諭也說文譴訓也讀若譴幻相詐惑也兩引書文以證釋訓併張誑也譴與併通此下六節又戒王之聽讒

此厥不聽。人乃訓之。乃變亂先王之正刑。至于小大民。否則厥心違怨。否則厥口詛祝。

釋名厥逆氣也內經有厥論王冰注厥者逆也
篆文从疒說文瘕并氣也廣雅訓順也言此三
者逆而不聽則人乃將順之釋詁刑法也祝讀
如說說文說訓也

周公曰嗚呼自殷王中宗及高宗及祖甲及我周
文王茲四人迪哲。

釋詁迪道也言四人君道明哲

厥或告之曰小人怨汝詈汝則皇自敬德厥愆曰
朕之愆允若時不啻不敢含怒。

鄭注皇謂暇言寬暇自敬不但不敢含怒乃欲
屢聞之以知己政得失之源也

此厥不聽人乃或譸張爲幻曰小人怨汝詈汝則
信之則若時不永念厥辟不寬綽厥心亂罰無罪。

殺無辜。怨有同。是叢于厥身。

釋詁。辟。法也。說文。叢。聚也。

周公曰。嗚呼。嗣王其監于茲。

尙書證義

平湖周用錫述

君奭

說文奭燕召公名讀若郝史篇名醜序云召公爲保周公爲師相成王爲左右召公不悅周公作君奭詳讀經文蓋召公欲退老周公勸諭以留之

周公若曰君奭弗弔天降喪于殷殷既墜厥命我有周既受我不敢知曰厥基永孚于休若天棐忱我亦不敢知曰其終出于不祥

天字屬上爲句詳大誥言周受殷命其將來之休咎我不敢知

嗚呼君已曰時我我亦不敢寧于上帝命弗永遠

念天威越我民罔尤違惟人在。我後嗣子孫大弗克恭上下。遏佚前人光在家不知。

陳風知而不已箋云已猶去也曰當作日洛誥今王卽命曰呂刑今爾罔不由慰曰勤釋文皆竝存曰曰兩讀蓋因形似傳本多互誤也廣雅時善也如左傳華元善于合尹子重向戌善于趙文子之善越與粵通釋詁粵曰也左傳襄十五年宋向戌來聘見孟獻子尤其室杜注尤責過也表記事君三違而不出境鄭注違猶去也玉篇惟有也後嗣後之爲卿士者周法世卿故云子孫佚與失通詳盤庚前人前之爲卿士者言君去日善我故我同心輔政亦不敢安于上帝旣命遂弗永念天威而曰我民罔責我去去位則有人在我嗣事子孫大弗能恭奉上下廢失前人之烈光我卽得謝在家豈能諉爲不知乎。

天命不易天難諶乃其墜命弗克經歷嗣前人恭

明德在今予小子旦。非克有正。迪惟前人光。施于我冲子。又曰。天不可信。我道惟寧王德延。天不庸釋于文王受命。

釋詁。謨。信也。正如孟子一正君之正。大雅。施于孫子。箋云。施。延也。易也。釋文。道。馬本作迪。釋詁。迪。道也。禮器。釋回。鄭注。釋。猶去也。古與舍通。儀禮。鄉飲酒禮。主人釋服。鄭注。古文釋。爲舍。周禮。大胥。春禮。獲而。未釋。獲。鄭注。古文釋。爲舍。周禮。大胥。春入學舍菜。鄭注。舍。卽釋也。言天命惟艱。天棗難信。殷之所以墜命者。後之人弗能經歷于事。以繼前人恭明之德。故在今予小子旦。非能有以正君。其輔道。惟前人之光烈。延易我冲子。又以天不可信。故我之輔道。惟寧王之德。是延。使天心不用。去于文王受命。此上三節。周公自述其不去之意。

公曰。君奭。我聞在昔。成湯旣受命。時則有若伊尹。

格于皇天。在太甲。時則有若保衡。在太戊。時則有若伊陟。臣扈。格于上帝。巫咸。又王家。在祖乙。時則有若巫賢。在武丁。時則有若甘盤。

說文。人部。云。伊。商聖人。阿衡。尹治天下者。又部。云。尹。治也。春秋。繁露。質文篇。云。湯受命。變夏作殷。作官于下。洛之陽。名相官。曰尹。是尹天下。稱尹。鄭注。伊尹名摯。湯以爲阿衡。阿倚。衡平也。伊尹。湯所依倚。而取平。以爲阿衡。保衡。此皆三公之官。甲改曰保衡。保安也。阿衡。保衡。太戊。亳有祥桑穀。當時爲之號也。書序。伊陟相。太戊。亳有祥桑穀。共生于朝。伊陟贊于巫咸。作咸。又四篇。竹書紀年。太戊元年。命卿士伊陟。臣扈。十一年。命巫咸。禱于山川。祖乙三年。命卿士巫賢。史記。殷本紀。祖乙立。殷復興。與巫賢任職。大紀。祖乙遷都于耿。爲水所圯。王懼。以巫咸之子賢爲相。諸侯賓服。天下大和。竹書紀年。武丁元年。命卿士甘盤。路史。國名紀。甘盤。小乙臣。高宗學焉。後受遺有大

功

率惟茲有陳保又有殷故殷禮陟配天多歷年所

商頌有虔秉鉞箋云有之言又也古有與又通
內則三王有乞言鄭注有讀爲又鄉射禮惟君
有射於國中鄭注古文有作又孫炎云古者陳
塵同釋詁塵久也書序沃丁既葬伊尹于亳咎
單遂訓伊尹事作沃丁是伊尹卒于沃丁之世
歷相湯外丙仲壬太甲沃丁是伊尹卒于沃丁之世
紀太甲崩子沃丁立沃丁崩弟太庚立太庚崩
子小甲立小甲崩弟雍己立雍己崩弟太戊立
竹書紀年伊陟始見于太甲七年至太戊元年
命卿士凡六十二年是歷事六君也書序湯既
勝夏欲遷其社不可作夏社疑至臣扈竹書紀
年湯十八年屋夏社疑至臣扈之篇作于此時
以紀年核之又十一年崩外丙立二年仲壬立
四年太甲立十二年沃丁立十九年小庚立五
年小甲立十七年雍己立十二年至太戊元年
命卿士凡八十二年是歷事九君也殷本紀太

戊崩子仲丁立仲丁崩弟外壬立外壬崩弟河
亶甲立河亶甲崩子祖乙立巫賢爲咸子相祖
乙是歷事五君也竹書紀年小乙六年命世子
武丁居于河學于甘盤武丁元年命卿士甘盤
是甘盤在小乙之世已是舊臣作師傳其歷事
數君可知也巫咸服官之年莫考史記殷本紀
云巫咸治王家有成則亦必久于其職也釋詁
陟升也升配天祭法云殷人禘嘗而郊冥祖契
而宗湯也多歷年所左傳宣三年王孫滿曰載
祀六百也言六臣率職又久以保治有殷故殷
禮升祖配天載祀歷六百之永也

天惟純佑命則商實百姓王人罔不秉德明恤小
臣屏侯甸矧咸奔走惟茲惟德稱用乂厥辟故一
人有事于四方若卜筮罔不是孚

左傳隱元年杜注純猶篤也廣雅商常也說苑
修文篇商者常也戰國韓策西有宜陽長阪之

塞史記蘇秦傳作商阪是商與常古相通也說文實富也百姓世族之得姓者詳堯典卽伊巫六臣之子姓也盤庚曰具乃貝玉又曰無總于貨寶則商之世家富厚可知春秋莊六年王人子突救衛公羊傳王人者何微者也明恤當從蔡傳屬上讀小臣屬下讀禹貢五百里侯服百里采傳氏謂虞夏時天子卿大夫之采邑在侯服近畿百里之內與周制在畿內者異王制千里之內曰甸千里之外曰采是殷因於夏采亦在侯服也玉篇惟有也釋言稱舉也稱稱同釋詁辟法也言六臣保父以格天亦篤佑其命則常富其族姓凡內而王人之微罔不秉德而知勤恤卽外而小臣之列在采邑公邑者亦皆勤于奔走惟此有德者選舉用治其法合故天子或有大事于四方若卜若筮以稽謀罔不天人相合

公曰君爽天壽平格保乂有殷有嗣天滅威今汝永念則有固命厥亂明我新造邦

逸周書諡法解布綱治紀曰平是平卽又王家也格卽格皇天格上帝也固命卽上文云天不庸釋于文王受命也言天壽此平格之六臣以保乂有殷及殷受嗣位天滅之以威今汝永思前事則我周家獲有固命其治明我洛邑新造之邦此上四節言殷之享天下由六臣之保乂公曰君奭在昔上帝割申勸寧王之德其集大命于厥躬。

割當讀如蓋緇衣鄭注割之言蓋也蓋割雙聲古多互讀釋言蓋割同訓義存乎聲釋詁申重也廣雅勸助也申勸謂十一年觀兵十三年伐紂天意再助之也。

惟文王尙克修和我有夏亦惟有若虢叔有若閎夭有若散宜生有若泰顛有若南宮括。

晉語文王咨于二虢度于閎夭謀于南宮孟子散宜生則見而知之墨子尙賢篇文王舉閎夭

泰顛于且綱之中授之政說苑君道篇文王以泰顛閔天爲臣

又曰無能往來茲迪彝教文王蔑德降于國人

釋詁迪道也教字當從蔡傳屬上爲句設言此五人不在其位無能奔走後先以相道文王之彝教則文王亦無德澤下及于國人矣

亦惟純佑秉德迪知天威乃惟時昭文王迪見昌聞于上帝惟時受有殷命哉

純佑康王之誥所云不二心也秉德周頌云秉文之德也迪卽上文所云迪彝教也昌釋文馬本作勛釋詁勛勉也言亦惟五人篤輔文王秉文之德其迪教能知天威乃惟是昭顯文王而五人之迪教亦著其篤勉聞于上帝用是受有殷之大命

武王惟茲四人尙迪有祿後暨武王誕將天威咸

劉厥敵惟茲四人昭武王惟冒不單稱德。

四人墨子尙賢篇云武王有閔天泰顛南宮括散宜生也不及虢叔者已死也釋詁無祿死也則有祿乃克壽也釋詁劉克也史記周本紀武王克商散宜生泰顛閔天皆執劍衛武王又命南宮括散財發粟命閔天封比干墓冒亦從馬本讀爲勛說文引周書曰昭武王惟冒云低目視也文義俱異小雅俾爾單厚箋云單盡也言武王繼立虢叔先死惟茲四人庶幾輔道克壽其後牧野之師與武王奉將天罰克敵有功惟茲四人昭顯武王亦惟篤勉盡稱同德此上五節言周之得天下亦由五人之迪教

今在予小子旦若游大川予往暨汝奭其濟小子同未在位誕無我責收罔助不及考造德不降我則鳴鳥不聞矧曰其有能格。

釋詁。濟。渡也。其濟當從蔡傳。屬上讀。小子屬下讀。同。古。侗。省。論語。侗而不愿。集解。孔曰。侗。未成器之人。釋名。未昧也。漢書律歷志。昧。夢于未收字。屬上讀。吳語。收。文。武。之。諸。侯。時。新。作。洛。邑。東。方。諸。侯。初武之。諸侯。以奉天子。時。新。作。洛。邑。東。方。諸。侯。初來和會。故云。收也。釋詁。助。勉也。鄭注。耆。老。也。造。成也。左傳。哀。二。十。六。年。六。卿。三。族。降。聽。政。杜。注。降。和。同。也。唐。韻。正。降。古。音。讀。洪。小。雅。伐。木。丁。丁。鳥。鳴。嚶。嚶。釋。訓。丁。丁。嚶。嚶。相。切。直。也。言。今。四。人皆喪。在。子。小。子。旦。譬。如。溯。游。大。川。子。惟。與。汝。夷共渡。子。小。子。以。侗。昧。而。在。高。位。無。以。我。一。人。責收。諸。侯。若。罔。有。勉。所。不。及。老。成。之。德。不。和。同。我則嚶嚶之。切。直。且。不。得。聞。況。曰。其。能。如。商。臣。之格。皇。天。上。帝。乎。

公曰。嗚呼。君。肆。其。監。于。茲。我。受。命。無。疆。惟。休。亦。大。惟艱。告。君。乃。猷。裕。我。不。以。後。人。迷。

釋詁。肆。今。也。方。言。裕。猷。道。也。東。齊。曰。猷。或。曰。裕。釋言。迷。惑。也。歎。言。君。今。其。監。于。天。威。我。受。命。固。

有無疆之美亦大惟艱告君其在位輔道我不以後人而疑君也

公曰前人敷乃心乃悉命汝作汝民極曰汝明助

偶王在宣乘茲大命惟文王德丕承無疆之恤

說文悉詳盡也釋詁命告也作當從後漢書廉范傳讀如佐詳盤庚民極周禮云惟王建國以爲民極也儀禮大射禮揖以耦鄭注言以者耦之事成于此意相人耦也聘禮每曲揖鄭注以相人耦爲敬也公食大夫禮賓入三揖鄭注相人耦賈疏竝云以人意相存耦是偶者親愛之意也耦偶同釋詁賈誠也惟思也言前人布其腹心乃詳盡告汝佐汝王之建極且曰汝明勉愛王在以誠信載茲大命思文王之明德繼此未竟之憂勤此周公述前人告召公之言

公曰君告汝朕允保奭其汝克敬以予監于殷喪

大否肆念我天威

釋詁允信也保爽屬上爲句言朕深信不疑保爽也左傳僖二十年能左右之曰以否讀如否卦之否大雅其風肆好毛傳肆長也

予不允惟若茲誥予惟曰襄我二人汝有合哉言曰在時二人天休滋至惟時二人弗戡其汝克敬德明我俊民在讓後人于不時。

升卦允升大吉王弼注允當也有當讀如又詳上文釋詁合對也左傳宣元年既合而來奔杜注合猶答也哉當作我洛誥公無困哉漢書元后傳及杜欽傳皆引作我公無困我蓋形似之互誤也言曰合上爲句說文戡勝也在讓當從蔡傳屬下讀儀禮士冠禮宜之于假鄭注于猶爲也聘禮賄在聘于賄鄭注于讀曰爲廣雅時善也言予不當若此誥語予前日曰贊襄在我二人汝又對我言曰在是二人若天休之滋至則我二人尙恐德薄弗勝其汝克敬厥德明揚俊

傑之民在讓後人爲大善此周公述召公對已
之前言

嗚呼篤棐時二人我式克至于今日休我咸成文
王功于不怠不冒海隅出日罔不率俾

冒亦當從馬本讀爲勛釋詁率循也釋言俾職
也漢書武帝紀莫不率俾師古注皆循其職貢
言篤輔是二人用能至于今日戡定之休若我
共成文王之功于不怠相與加勉則海隅出日
之地莫不循其職貢

公曰君子不惠若茲多誥予惟用閔于天越民

惠與慧通前漢書昌邑王傳清狂不惠蘇林注
色理清徐而心不慧後漢書孔融傳將不早惠
乎章懷注惠作慧論語好行小慧鄭注魯讀慧
爲惠今從古周南汝墳序婦人能閔其君子毛
傳閔傷念也

公曰。嗚呼。君惟乃知民德。亦罔不能厥初。惟其終。
祇若茲。往敬用治。

廣雅。乃汝也。此上八節。反覆勸諭。以同心輔政。

尚書證義

平湖周用錫述

多方

書序此篇之上有成王政將蒲姑二篇之序此篇之下次以周官成王政序云成王東伐淮夷遂踐奄鄭注此伐淮夷與踐奄是攝政三年伐管蔡時事其編篇于此未聞鄭意蓋以四序相因皆一時事當在大誥之後乃列於此自是篇第錯亂故疑之而云未聞也

惟五月丁亥王來自奄至于宗周。

幽風周公東征四國是皇毛傳四國管蔡商奄也大傳奄君謂祿父曰武王既死矣今王尚幼矣周公見疑矣此百世之時也請舉事是武庚之叛奄實黨惡之首故踐滅之而遷其君于蒲姑孟子云伐奄三年討其君是也王來自奄卽多士云昔朕來自奄也至于宗周幽風東山序

云周公東征三年而歸也

周公曰王若曰猷告爾四國多方惟爾殷侯尹民我惟大降爾命爾罔不知

釋言尹正也廣雅降減也降爾命猶漢書刑法志云減死刑也周公述王之言曰告爾四國多方惟爾殷之諸侯及臣民典刑本皆當殺我惟減爾死刑諒爾亦無不知我之寬典也

洪惟圖天之命弗永寅念于祀

釋詁惟思也言大思圖度天命弗敬念其廟祀責其不知減亡之禍也

惟帝降格于夏有夏誕厥逸不肯感言于民乃大淫昏不克終日勸于帝之迪乃爾攸聞

格當從史記天官書索隱讀若鶴詳多士說文誕詞誕也釋言逸過也誕厥逸呂氏春秋云桀

愈自賢矜過善非也廣雅勸助也言惟天降妖
以警夏夏桀矜過善非不特不能保民并不肯
出憂感之言于民乃益甚其淫昏不能終日助
于上帝之道此乃爾之所聞

厥圖帝之命不克開于民之麗乃大降罰崇亂有
夏因甲于內亂不克靈承于旅罔不惟進之恭洪
舒于民亦惟有夏之民叨憤日欽剿割夏邑。

說文開張也若管子四維不張之張麗字書凡
五見此文及下慎厥麗乃勸顧命奠麗陳敘呂
刑越茲麗刑匪察于獄之麗竝論用刑孔傳竝
訓爲施詳讀諸經王制郵罰麗于事鄭注麗附
也周禮秋官麗字凡八鄭注竝訓爲附王制必
察小大之比以成之鄭注已行故事曰比比例
也麗與比義同麗與例音同蓋古者爲麗今者
爲例也釋詁崇充也釋言甲狎也衛風能不我
甲韓詩作能不我狎是甲與狎古通內亂呂氏
春秋云桀聽于妹喜管子云女樂三萬人是也

廣雅靈善也。不讀若不詳大誥釋名恭亦言供給事人也。舒當讀若茶。困學紀聞云古文作洪茶。魯頌荆舒是懲。史記作荆茶。是徵。玉藻諸侯茶。前詘後直。鄭注茶讀爲舒。遲之舒。考工記寬舒。與茶古相通也。洪舒于民。若史記龜策傳云。桀有諛臣名曰趙梁。教爲無道。勸以貪狼。墨子所染篇云。夏桀染于辛推哆。呂氏春秋云。桀爲無道。暴戾頑貪。天下顛恐而患之。于辛任威陵轢諸侯。以及兆民。是也。說文叨貪也。卽饕餮之重文。憤說文引周書作有夏氏之民。叨瑩讀若摯。云忿戾也。瑩憤古今文欽。古文廠省釋詁廠興也。玉篇劓制也。言夏桀度天之命以臨民。不能張于用刑之例。乃大降重罰。以充亂。有夏因襲狎於內嬖之淫亂。凡不能善奉衆者求介女寵。罔不進用以供給事。而大肆荼毒于民。於是下化其惡。亦惟有夏之民貪戾者日興起以割害夏邑。

天惟時求民主。乃大降顯休命于成湯。刑殄有夏。

魯語大刑甲兵言天因夏桀淫昏惟時鑒觀四方求民之主乃大降昭顯休嘉之命于成湯用甲兵之大刑以殄滅有夏

惟天不弔純乃惟以爾多方之義民不克永于多享惟夏之恭多士。犬不克明保享于民。乃胥惟虐于民。至于百爲。犬不克開。

釋詁純大也。周禮肆師注鄭司農云古者書儀但爲義說文儀度也周語曰儀之于民而度之于羣生多若漢書袁盎傳皆多盎之多言惟天不弔桀以大命乃惟以爾多方之圖度其民亦或偶享天心而不能永于天之多其享惟夏之給事多士更不能明保享于民之天意乃皆惟暴虐于民至于百事廢弛不張故天不降以顯休之命也

乃惟成湯克以爾多方簡代夏作民主慎厥麗乃

勸厥民刑用勸。以至于帝乙。罔不明德慎罰。亦克用勸。要囚殄戮多罪。亦克用勸。開釋無辜。亦克用勸。

簡如論語簡在帝心之簡當從蔡傳屬上讀周禮士師辨其獄訟異其死刑之罪而要之鄭注要之爲其罪法之要辭如今劾矣言惟成湯能以爾多方簡在帝心故代夏爲民之主慎其刑罰之例以爲勸其民刑之而用勸至于繼世之君亦皆明其德慎其罰凡刑故宥過各當其情而民皆明服

今至于爾辟。弗克以爾多方享天之命。嗚呼。王若曰。誥告爾多方。非天庸釋有夏。非天庸釋有殷。乃惟爾辟。以爾多方。大淫圖天之命。屑有辭。

鄉射禮主人以賓揖鄭注以猶與也禮器釋回
增美質鄭注釋去也左傳昭六年叔向曰嚴斷
刑罰以威其淫杜注淫放也方言肩猶也言今
至于爾辟紂弗能與爾多方共享天命周公不
禁長歎息而復述王之言曰誥告爾多方非天
用去有夏亦非天用去有殷乃惟爾辟與爾多
方大放僻以圖天命狡獪有辭故天去其命也

乃惟有夏圖厥政不集于享天降時喪有邦閒之
乃惟爾商後王逸厥逸圖厥政不蠲烝天惟降時
喪

小雅是用不集毛傳集就也不集享猶孟子云
不成享也釋詁閒代也釋言逸過也蠲明也釋
詁烝君也大雅文王烝哉毛傳烝君也言惟夏
桀圖政不成于享故天降此喪亂而湯以有邦
代之乃惟爾商後王過其淫佚圖其政不明君
道故天亦降此喪亂

惟聖罔念。作狂。惟狂克念。作聖。天惟五年。須暇之
子孫。誕作民主。罔可念聽。

汗簡云。須古文尙書作頊。說文。頊待也。須。面毛也。二義本別。後人以須鬢之須。借爲頊待之頊。而頊字遂廢。而不用。須字當屬上讀。五年須者。文王受命九年而崩。武王立。至十三年伐紂。是須之五年也。說文可肯也。釋言。肯可也。是義相訓也。言聖者罔念天。卽爲狂。狂者能念天。卽爲聖。故天惟五年待紂。冀其能改。以寬暇之于子孫。而紂以誕罔爲民主。終不肯念聽天。

天惟求爾多方。大動以威。開厥顧天。惟爾多方。罔
堪顧之。惟我周王。靈承于旅。克堪用德。惟典神天。
天惟式教我用休。簡畀殷命。尹爾多方。

鄭注。顧猶視念也。廣雅。典主也。釋詁。神慎也。說文。尹治也。言紂旣罔有悛心。天乃求民之莫于

爾多方震動以災異之威啓其顧天之命惟爾
多方無有能顧天者惟我周之先王善奉其民
能用明德惟主敬天故天式教我用其休嘉簡
畀以殷之大命使治爾多方

今我曷敢多誥我惟大降爾四國民命爾曷不忱
裕之于爾多方爾曷不夾介乂我周王享天之命
今爾尙宅爾宅畋爾田爾曷不惠王熙天之命

說文忱誠也方言裕猷道也東齊曰猷或曰裕
說文夾持也釋詁介右也釋言宅居也說文畋
平田也釋言惠順也釋詁熙光也言今我曷敢
多誥我惟減爾四國民之死刑爾當感恩懷德
曷不開誠告道之于爾多方曷不扶持左右以
安我周王享天之命今宥女以遠爾尙得居爾
宅平爾田爾曷不順我周王光顯天之命乎

爾乃迪屢不靜爾心未愛爾乃不大宅天命爾乃

屑播天命。爾乃自作不典。圖忱于正。我惟時其教告之。我惟時其戰。要囚之。至于再至于三。乃有不
用我降爾命。我乃其大罰殛之。非我有周秉德不
康寧。乃惟爾自速辜。

釋詁。迪。道也。宅。古與度通。詳堯典。方言。忱。信也。釋詁。正。長也。要。囚。詳上文。至于再。至于三。康。誥云。服念五六日。至于旬時。是也。言爾前日之事。屢道之。而不靜。爾心未知自愛。爾乃不大度天命。爾乃詐稱天命。爾乃自作不法。圖謀約信于其長。我惟時其先之以教告。教告不從。我惟時其用戰。凡囚人罪法之要辭。鄭重至于再至于三。其有終于頑梗不服。不用我之降爾命。我然後以大罰誅之。此非我之執德不康寧。乃惟爾之自召其罪也。

王曰。嗚呼。猷告爾有多方士。暨殷多士。今爾奔走

臣我監五祀。越惟有胥伯小大多正。爾罔不克臬。自作不和。爾惟和哉。爾室不睦。爾惟和哉。爾邑克明。爾惟克勤乃事。爾尙不忌于凶德。亦則以穆穆在乃位。克閱于乃邑。謀介爾乃自時洛邑。尙永力畋爾田。天惟畀矜爾。我有周惟其大介賚爾。迪簡在王庭。尙爾事。有服在大僚。

釋天商曰。祀。周曰年。稱祀者。順殷人也。胥。若周禮大胥小胥。多正。若康誥云。外正。酒誥云。少正也。廣雅。臬。法也。不讀若。丕。詳大誥表記。鄭注。忌之言。戒也。說文。引周書曰。爾尙不誓于凶德。云誓。忌也。文異音義同。釋詁。則常也。釋訓。穆穆。敬也。說文。閱。察也。釋詁。介。善也。遵。自也。是自猶遵也。廣雅。服。任也。王又歎息言。告爾有方多士。與殷之多士。今爾奔走臣服我命。監以五祀爲期。

于惟有胥伯小大多正爾若能奉法凡殷民有
自作不和者爾惟和之哉爾巨室之有不睦者
爾惟和之哉能戒則爾邑克明爾惟克勤乃事
無怠爾庶幾大戒于凶德亦常以穆穆居乃位
克察于乃邑而相謀爲善爾遵循是洛邑庶幾
永力耕爾田則五祀之後天惟畀矜全爾我有
周惟其大善資爾其有道者將饋在王庭庶爾
多士仍有任在大僚

王曰嗚呼多士爾不克勸忱我命爾亦則惟不克
享凡民惟曰不享爾乃惟逸惟頗大遠王命則惟
爾多方探天之威我則致天之罰離逖爾土

方言忱信也釋詁探取也說文逖遠也王又歎
息言爾前日不能勸勉信我之命令爾亦則惟
不能奉上凡民效之惟曰不奉上爾乃縱逸頗
僻放棄王命爲叛亂則惟爾多方自取天威我
則致天之罰離遠爾土以遷汝于洛也

王曰。我不惟多詰。我惟祗告爾命。又曰。時惟爾初
不克敬于和。則無我怨。

言我不惟多詰。我惟敬告爾命之生殺。又言若
再如前日之不能敬于和。則必用殺。無我怨。